

小倉山房詩集

小倉山房詩集卷三 壬戌癸亥

錢唐袁枚子才

散館紀恩

九陛啓明光羣才集庶常 詔趨新御殿例改舊朝房

舊例散館在吏部朝房旭日初升海雞人已報霜韻書

改入光明殿自壬戌始宮內下題紙額前黃六醴雕胡飯三危玉女漿監臨上

柱國環侍羽林郎簾捲 君王出風高黼座涼問名占

奏對 賜坐習廐颺跪近 天三尺詩呈稿半張

奉旨先

呈州稿 饒歌夸競病侯語訓宮商曳白愁張真揮毫賞謝

莊自憐同象翟無分賦長楊時習書苦譯隄官曲空書靈

寶章龍筋標萬字烏象闢千行更有神仙侶來飄雞舌

香微詞嘲陞楮薄罰警條狼弱水風將引鈞天夢尚長
回頭成小謫銀漢隔紅牆

改官白下留別諸同年

三年春夢玉堂空珂馬蕭蕭落葉中生本驪才甘外吏
去猶忍淚爲諸公紅蘭委露天無意黃鵠摩霜夜有風
莫向河梁頻握手古來清水尚西東

頃刻人天隔兩塵難從宦海問前因夕陽自照平臺樹
修竹誰栽小苑春五月琴裝催下吏一時酒盞遍騷人
相看行李無他物賸有蓬山雪滿身

青溪幾曲近家居天許安仁奉板輿此去好修循吏傳
當年枉讀上清書三生弱水緣何淺一宿空桑戀有餘

手折芙蓉下人世不知人世竟何如

繞袖爐烟拂未消征衫還帶五雲飄江山轉眼離雙闕
風物從頭問六朝報國文章公等在出都僮僕馬蹄
驕他時烟雨琴河外遠聽鈞天碧玉簫

神山引

康熙十五年事

楊生泛海海風作千船萬船水中落楊生抱得一桴浮
閉眼憑他駭浪流日暮風停桴泊島上有神山兩字好
金碧參差屋數間分明玉指彈冰絃花裏雲鬟驚有客
風中琴響漸闌珊一人玉貌來相見說住瓊州說姓晏
喜遇崔盧中表親速張王母瑤池讌夫人手整曉霞粧
道是兒姑第十娘先詢阿母顏何似再問眉顰樹可長

不仗蛟螭翻海水那能骨肉會龍荒山前山後教生到
烟草芬芳花月妙生言歸去挈家來姑母姑夫但微笑
取出青琴彼此彈天風拂拂海漫漫新成一曲雲仙謫
聽去雖難學不難夜深珠露涼風竹雨美雙雙樓上宿
只留小玉伴銀燈未免偷桃學方朔忽呼粉蝶婢名聲
如惱驚去雙趺奔悄悄聽得仙姑苦勸聲塵心已動緣
須了不如折與小桃花隨他春向人間老明朝相見臉
先紅只說歸心一夜濃仙郎餞別丹三粒仙女親題信
一封豈不相留情款款其如人世太匆匆解下湘裙覆
船上道兒此去應無恙萬頃琉璃六幅風蓬萊不忍回
頭望漸漸鄉音入耳聞迢迢清水變紅塵滿城親故無

多在已過韶光十六春衰年大母方愁疾因由說罷同
嗚咽有婿攜妻採藥行那知此日人天隔細看裙是嫁
時衣一片香風捲雪飛錢家生長初笄女才說婚姻便
相許迎來果似舊娉婷苦問三生記不清偶然彈到雲
仙謫涕淚千行尚怕聽

良鄉霧

不雨征鞍濕方知霧裡行曉花難辨色溪水但聞聲對
面人千里終朝天五更前程原似夢何必太分明

次日霧更大

連宵駝背錦模糊寫出洪荒一幅圖此際羣仙高處看
可知下界有人無

隴西將軍歌

袁子改官江南行路逢將軍徐國英將軍自言隴西住
陰山月黑磨刀處磨刀殺敵不殺仇對天呵氣生金秋
少年恥作掾功曹青海橫行亂舞刀身披白鎧逢雷鬪
手擊黃獐帶血燒高麗犯順莫離支有詔將軍夜出師
其時大雪天三更雪花打甲鏗有聲刀光色白火光紅
齊射戎王甲帳中白骨掃盡髑髏臺箭聲響振武安宮
殺氣隨身化作霧插花唱過陰山東歸來萬馬齊昂首
戴著兜鍪殿上走常呼凌統欲操戈不拜蕭曹空使酒
銀鎗鐵鎖九天閑將軍獄吏果誰尊餘生宛轉君恩
重猶念山河鐵券老兵慷慨一何怒王侯陰喝不敢

訴平生出血幾石餘背上箭瘢三百處陰雨金瘡痛未
消新軍已換霍嫫媸於今流落江湖場蕭蕭髣髴漸老
蒼瀕水有人呵李廣燉煌無檄召陳湯當年麾下僧騰
客列爵紛紛半鼎食賜宴公然肉拌貂搏戰何曾手打
賊吁嗟乎將軍言畢我心死君不見長檣大戟猶如此

顏耶

顏耶未老董公超彼此疑年話紫簪雀弁有光明玉殿
宮花無色比金貂情知禁鬻偏繫手肯帶椒風送出朝
他日消魂赤墀下仙雲一朵隔王喬

登泰山

不登泰山高那知天下小一朝到此間登臨敢不早土

人結繩爲木籃令我偃卧同春蠶兩夫負之走若蟹橫
行直上聲喃喃初入萬仙樓旋登水簾洞衆峯似兒孫
羅列爭相送側側曲徑蟠長蛇垂垂鐵索懸枯柯一重
白雲一重水蕩搖千片萬片芙蓉花丹梯碧磴轉不已
突然絕壁摩空起其下澗壑深其上天門啓來時徑路
雲已封惟有忍死直上虛無中後人頭接前人踵徑寸
草壓千尺松不愁不到蓬萊宮但愁輕軀細骨不足當
天風欲知齊魯形如何幾叢蝸角攢蜂窩一條黃水似
衣帶穿破世界通銀河只恨天上酒杯少不信世間人
民多九州下聽聲悄然混茫一氣遙無端脚底葉飛高
鳥背眼前海走胸懷間始知蒼蒼非正色不然何以俯

看黃土如青天道人引我禮嶽皇瓊樓絳宇何輝煌
聖朝盛德不封禪相如閒殺無文章七十二代金泥玉
檢半沙土使我懷古心悲傷下山匆匆愁日墮紅塵回
首真無那不見金輪捧出扶桑來但見峯頭璧月銀盤
大

落花

江南有客惜年華三月憑闌日易斜春在東風原是夢
生非薄命不爲花仙雲影散留香雨故國臺空賸館娃
從古傾城好顏色幾枝零落在天涯

也曾開向鳳皇池去住無心鳥不知掃逕適當風定後
卷簾可惜客來時肯教香氣隨波盡尚戀春光墜地遲

莫訝旁人憐玉骨此身原在最高枝

風雨瀟瀟春滿林翠波簾幙影沉沉清華曾荷東皇寵
飄泊原非上帝心舊日黃鸝渾欲別天涯綠葉半成陰
榮衰花是尋常事轉爲韶光恨不禁

小樓一夜聽潺潺十二瑤臺解珮環有力尚能含細雨
無言獨白下春山空將西子沉吳沼誰贖文姬返漢關
且莫啼烟兼泣露問渠何事到人間

不受深閨兒女憐自開自落自年年青天飛處還疑蝶
素月明時欲化烟空谷半枝隨影墮闌干一角受風偏
佳人已換三生骨拾得花鈿更黯然

后土難埋一瓣香風前零落曉霞粧丹心枉自填溝壑

素手曾經捧太陽
疎雨半樓人意懶
殘紅三月馬頭忙
莫嫌上苑遮留少
宰相由來鐵石腸

似欲翻身入翠微
一番烟雨寸心違
粗枝大葉無人賞
落月啼烏有夢歸
垂釣絲輕飄水而
踏青風小上春衣
勸君好認瑤臺去
十二湘簾莫亂飛

玉顏如此竟泥中
爭怪騷人唱惱公
茵溷無心隨上下
尹邢避面各西東
已含雲雨還三峽
猶抱琵琶泣六宮
花總一般千樣落
人間何處問清風

不妨身世竟離羣
開滿香心已十分
小院來遲烟寂寂
深春坐久雪紛紛
人間歌舞消清晝
天上神仙葬白雲
飄落洞庭波欲冷
一枝玉笛弔湘君

裁紅暈碧意蹉跎子野聞歌喚奈何早發瓊林驚海內
倦開江國厭風波漢宮褻解留仙少梁苑粧成墮馬多
天女亭亭無賴甚苦將清影試維摩

金光瑤艸兩三莖吹落紅塵我亦驚讓路忍將香雪踏
開牕權當美人迎蛛絲力弱留難住羊角風狂數不清
昨夜月明誰唱別可憐費盡子規聲

紅燈張罷酒杯殘不照笙歌月亦寒此去竟成千古恨
好春還待一年看金鈴繫處隄防苦玉匣開時笑語難
擬囑司風賢令史也同修竹報平安

剪綵隋宮事莫論天涯極目總消魂旗亭酒醒風千里
牧笛歌回水一村遊子相逢終是別美人有壽已無恩

流年幾度殘春裏潮落空江葉打門

升沉何必感雲泥到眼風光剪不齊
愛惜每防鸞翅動飄零只恨粉牆低
高唐神女朝霞散故國河山杜宇啼
最是半生惆悵處曲闌東畔畫堂西

怕過山村更水橋休論鳳泊與鸞飄
容顏未老心先謝雨露雖輕淚不消
小住色憑芳艸借長眠魂讓酒人招
司勲最是傷春客腸斷烟江咽暮潮

明妃曲

明曉一羣角數聲漢家宮女昭君行
六宮送別淚如雨怨入民間小兒女
昭君上馬鞍手取琵琶彈生來絕色
原難畫影落黃河自愛看詔書殷勤
選容質傳到龍庭

轉幽咽侍女濃熏甲帳香傾城遠掃天山雪橫波滿臉
向名王手拂穹廬作洞房生長內家風味慣酒酣時作
漢宮粧從今甥舅息干戈塞上呼韓日請和寄言侍寢
昭陽者同報君恩若个多

抵金陵

黃金埋老變烟霞一片長江六帝家天意兩回南渡馬
秋痕滿地故宮花荆襄形勢上游遠輦轂規模大道斜
我是荒僮來弔古手揮羽扇問年華

登臨不盡古今情無數青山入郡城才子合從三楚謫
美人愁向六朝生身非氏族難爲客地有皇都易得名
八尺闌干多少恨新亭秋老月空明

天印庵小住

香案蓬山遠巾車冷廟留一燈僧館閉雙耳艸蟲秋對
佛言難發撩人雨未休牕前紅濕處萬點海棠幽

捧檄知何處飛花且聽風人來雙闕北家在五湖東離
恨秋天重霜痕月夜空蕭郎未三十不敢怨途窮

莫愁湖

澹澹春山小小舟一湖水氣濕粧樓六朝南北風流甚
天子無愁妓莫愁

雨花臺

三十六重天天花墮可憐飄來石城雨散作壽陽烟衰
艸蒲團影斜陽羯磨禪梁皇偏有價百萬贖身錢

謁長吏畢歸而作詩

初持手版應官去大府巍巍各識荆問到出身人盡惜
行來公禮我猶生書衡筆慣字難小學跪膝忙時有聲
晚脫皂衣歸邸舍玉堂回首不勝情

歐公貶夷陵欣然無不可船載集賢書夢搖金殿鎖偶
叅轉運庭僂僂趨而左黯然神始傷縣令乃是我

自溧水移知江浦留別送者

秣陵關外動征塵滿耳驪歌夾路陳琴爲風移彈別調
鳥因枝穩戀殘春來秋麥草應無恙他日兒童盡故人
只恐任延年尚少可能官不累斯民

從江浦移知沭陽秀才李應熊成元等送余渡江

淹留彌日贈之以詩

彈罷成連海上琴諸君打槩尚追尋想緣絳帳情難割
直覺長江水不深秋老藥復重倚玉春歸桃李更關心
他年古戍黃河北好折梅花寄遠音

兒寬

帝後兒寬第七車金門簪筆晚風餘幾番奏事君王喜
惹得張湯又讀書

沐陽雜興八首

誰言作令少公餘沐地真堪奉板輿四季種花官荷鍾
六房如水吏抄書艸冠世襲諸生服汲冢人驚豪士居
廉吏不須封鮓去馮驩久已食無魚

白艸黃沙一望寬最繁華處是三關絲抽野蛹都名繭

土作荒城又當山風動黑營吹馬角

有黑軍營元人屯兵所

月明

東海唱刀環朱提數挺田千頃爲少如弓水數灣

傳柑郵驛本寥寥迎送高軒頗折腰紅葉影馱驢背遠

黃河聲傍馬頭驕浮天水失東西路入境醒如早晚潮

莫恠衣冠文物少科名人已隔三朝

放衙烏雀滿羣過地界萊夷語更訛女子絕無當戶織

興人愛唱使君歌民經歎歲飄流少贖爲前官久病多

十載花封州浪裏可無遺恨六塘河

六塘河成屢遭水患

恩詔頒來歲幾通沿門點口日匆匆催科莫媿居官拙

租稅原如上古風

時停徵八年

入手俸錢供幕府關心米價

問江東可堪爛額焦頭處瓠子堤成六月中

欲做羅池開艸萊簿書束束手親裁買將桑種貽蠶婦
自製文章教秀才胥吏盡如龜下養使君偏自日邊來
可人唯有新番果花似雞冠一路開

學作蠅書小姓名恥騎羸馬說官清棉花雨後開成雪
麥艸春來綠進城獄豈得情寧結早判防多悞每刑輕
公堂常作書堂坐坐到無人一鳥鳴

古有吾家宰沐陽

漢袁安爲
陰平長

辦香相隔幾千霜簿書我

自煩諸葛公禮人休格范滂麥後籃筐忙野地官歸兒

女助燈光

野人拾麥者有遺秉滯穗之風
照官夜歸者有鄉爲田燭之禮
憑他鄉校參

差論沈括還應祀此鄉

沈存中鑿九渠十八堰猶存

苦災行

六月廿一日作二十三日得雨

汴陽八年災往歲尤爲酷我適泣此邦一望徒陵谷田
廬化爲沼春燕巢林木泛濫有魚頭彭亨無豕腹百死
猶可忍餓死苦不速野狗銜髑髏骨瘦亦無肉自恨作
父母不願生耳目賴有 皇帝仁施糧更煮粥飢口三
十萬鴻恩無不沐望此一月賑早作千回卜攜筐及老
幼守候合宗族恩愛如夫妻爭糧相博遂奪取未到懷
擔起還愁覆有賑尚如此無賑作何苟爲一校算之恍
然眉欲蹙小口米七升大口斗五六將度期月餘日食
無一掬 國帑已千萬再加若不足紓國更紓民束手
難營度寧死不爲寇猶賴 皇恩渥豈無旨濫譏終爲

百姓福只期今歲麥得雨早成熟千瘡百孔問元氣稍
周續旱魃竟爲災秋陽永相暴春禾山下焦夏麥土中
縮聞雷妬彼縣望雲生我屋水去旱復至陰陽太慘毒
父母殺子孫胡不悔生育萬物本天地胡爲窮殺戮人
心尚悔禍天道應剝復下吏或當誅百姓有何惡取我
瓣香來朝夕向天祝上念堯舜仁下念父老哭急命行
雨龍及早施霖霖雖已無麥禾猶可救撞壁貧家何所
言雨水即雨穀富家何所言得雨如得玉永誌喜雨亭
猜首謝天祿

屋角通十藥本大雅臘桑篇馬融長笛賦
庾信和張侍中述懷亦因之

春歸

春留三月勤征程從此炎涼逐漸生一夜落花飛似雪

莫嫌來去不分明

苦瘡

沐陽邊東海海氣與人競流散爲毒風往往中者病我
瘡春乍痊秋深乃復更拘攣及百骸痛楚儼灰釘所爲
多掣肘欲坐如扣壓蒼蠅去復來疑我有羶行憶昔齊
侯疇疥疾原相應當此苦災地水旱殊未竟滿目尚瘡
痍我身胡獨淨脂膏寧自煎疴瘡還相証醫師爲我言
君疾無憂情治瘡如治蠱藥力須嚴正初投苦藥繼
乃樂安靜維黃太陽精若耳神仙性元氣壯吾中百邪
孰敢勝且喜薄校勞借此獲幽興支離慕古翁癩疾悲
賢聖轉成纏卧榻呻吟對燈藥秋月照癩痂點點亦孤

映

偶成

不戴華陽自製冠
蛾眉獨畫要誰看
學書未就求人苦
佳句雙存割愛難
宦後始知貧賤好
瘦來頓覺早秋寒
眼前有路名山去
願向盧敖借釣竿

淮上中秋對月

長淮波冷碧雲殘
皎皎當空白玉盤
四海共傳斯夕好
八年不在故鄉看
銀河有影秋心老
仙露無聲雁背寒
建業風情京國夢
一時和酒上眉端

聞同年裴叔度沈歸愚
廷試高等驟遷學士喜
賦一章

蓬山何必恨離羣
日下征鴻信屢聞
殿上幾回歌白雪
詩人俱已到青雲
玉堂氣類關心切
宦海烟波逐漸分
莫道錦袍容易奪
諸公遭際聖明君

借病

嫌忙翻愛病
借病好吟詩
細雨苔三徑
春愁笛一枝
日長猶放早
官嬾吏來遲
看見閒中物
遊絲及地時

署中感興

日飲黃河一尺冰
宦情風景兩難勝
民驕已似衰年子
官苦原同受戒僧
半局棋聲催客雁
滿庭秋影澹書燈
爾來悟得孫登語
慚愧人前百不能

捕蝗曲

亟捕蝗亟捕蝗沭陽已作三年荒水荒猶有稻蝗荒將
無梁焚以桑柴火買以柳葉筐兒童敲竹枝老叟圍山
岡風吹縣官面似漆太陽赫赫燒衣裳折枝探穀慮損
德惟有殺汝爲吉祥我聞苛政猛于虎蠹吏虐于蝗又
聞劉昆賢令蝗不入劉澄剪穢蝗爲殃爾今蠕蠕聲觸
艸得母邑宰非循良擊土鼓祀神蝗椒漿奠兮歌琅琅
紫烟爲我凌蒼蒼皇天好生萬物仰蛇頭蝎尾何猖狂
霹靂一聲龍不起反使九十九子相扶將狼如獾貪如
羊如虎而翼兮如雲之南翔安得今冬雪花太如席入
土三尺俱消亡母若長平一坑四十萬腥聞于天徒慘
傷蝗兮蝗兮去此鄉東海之外兮艸茫茫無爾仇兮爾

樂何央母餐民之苗葉兮寧食吾之肺腸

赴贛榆鞠獄道出海州

出郭輕裝一馬馱朔風寒月滿潮河怕聽前路烟村少
喜說吾邦麥艸多海氣作雲微慘澹天心釀雪強溫
此行爲折于公獄暫別其如父老何

次日雪

雪珠夜半響平沙傍晚銀泥壓帽斜四面涼雲風剪水
一痕春色手拈花孤行自覺鬢眉淡遠望深知道路賒
頻把玉鞭催馬背篝燈宿影酒人家

片片冰梨壓滿箱馬頭何處不花光窮簷乍脫黃綿襖
冷宮初來白玉堂野店昏燈連土甕騷人愁笛唱青羌

張網此夕埋輪早官吏徇分上下床
百里肩輿坐莫支亂沙塵落打廳時
濕來誰進先生履
望處難褰刺史帷世味儘從流水得
宦情應有冷雲知
辦香默祝緣何事願得明年麥雨岐

留鬚

翰林三年官三縣持奴未敢登吾面
忽忽韶華二十九
春風鬢芽生滿口問顧相視漸模糊
持鏡明朝失故吾
情知回首傷年少不敢刪除表丈夫
哀師嬌兒笑且譁
口邊何處來烏鴉蒙茸只可亂狐服
談論何曾蔽齒牙
從古紅顏難自保臨風默默傷懷抱
君不見瑤臺七十二
二神仙畢竟人夸子晉好

迎大府歸戲作

望見旌麾拜下風
幾回入廐苦修容
一聲長柄葫蘆問
了却江東陸士龍

蹢躅兩足踈難禁
笑倚彭排獨自吟
儘鑄溫韞金搭膝
可能償得此時心

韓偓

別殿離宮話寂寥
冬郎飄泊晚唐朝
君恩不共春燈燼
殘燭深封一萬條

除夕泊淮上

誰家爆竹響霜逢
似爲行人報歲終
萬種春歸燈影外
一竿事盡水聲中
分開新舊雞先唱
獨對關山燭不紅

此夕光陰倍珍重長隄親數漏丁東

徵漕歎

沭陽漕無倉水次在宿阜去縣百餘里官民兩奔走富
者車馬馱貧者縑帛負展轉稍愆期鞭笞隨其後北風
萬里來臘雪三尺厚泥塗行不前老幼足相蹂今歲旱
魃災產穀半根莠粟回而薄糠零星他郡購未來苦無
穀有穀苦難受撿穀如撿珠重疊須舂臼粒碎聒相喧
色雜哢相詬嗟哉我窮民歷歷數卯酉來時一石餘簸
完盈一斗天雨不開倉小住日八九攜來行李資不足
餬其口官怒呼吏求命杖撻吏首收穀爾太苛爾命胡
能壽諸吏跪且言公毋罪某某旗丁古門匠習俗久相

狂米色稍不齊此吏如畜狗大府命監收所來亦矇眊
委阿無定詞調停兩掣肘此時收太寬臨時安所咎縣
官笑且言爾毋強分割我從通州來斛糧萬萬數糠沙
半相和俱已蒙上取我食翰林俸陳陳盡紅朽何得
此旗丁需索爲利藪言畢旗丁至猙獰貌粗醜視米噤
無言仰面笑欲喉我因思吏言此事誠然有更有持斛
者有意與苦手播弄作浮萍掃除恃箕帚長官察吏嚴
嬖人二五偶披羊裘而釣誰不識嚴叟衆吏迎以入勞
金兼酌酒此金此酒來毋乃非民否縣官自語心爾已
爲民母寧受旗丁嗔母使民守久寧失邏者心母使喪
所守持此微漕歎願以告我后

沐人有饋白鶴者署中養參失所作詩謝鶴

主人靦靦守僻縣養鶴差與鶴相見呼鶴前來自鶴言
此間不合汝乘軒汝本昂昂海上來如何舞罷飛塵埃
飢驅縱奪螻蟻食高步豈無羣雞猜崑崙西元圃右鳳
皇與汝都有舊勸汝梳翎一蹕霞不共蘇耽翔碧落也
隨處士看梅花鶴不能言但戔翼長叫一聲洞庭笛鶴
聲上天月下天照見主人愁不眠

從古

從古求賢貴拔茅素門平進有英豪勛名可惜黃丞相
一紙殷勤薦史高

懷人詩

裴五丰神玉樣清三年同聽後堂箏一朝雲海分翔後
讓爾金鰲頂上行

裴叔度

幾回攜酒上雞壇忽向芙蓉鏡裏看讀到洛陽封禪議
褚生何敢笑兒寬

莊容可

同居華屋夾清漳同唱青陽十九章范悅詩篇褚欣筆
從來三絕在錢塘

金賢夫

確士先生七十餘自刪詩稿號歸愚青鞋布襪金階上
天子親呼老秘書

沈確士

曾插宮花下紫宸太初肅肅見精神闢棋碁門羊元保
不作同年第二人

涼東伯

崑山愛客近時無稍蟹年年召酒徒家有詩人高適在

可曾酬唱到征夫

吳鄭公高東山寓其家

泰公畏與酒樽杌尚席惟聞取箸忙我亦自憐無墨者
結隣同住肉林傍

秦健之

徐韜舌本善微詞別有風情尚直遲農部可能容此老
眉山書法半山詩

徐孟端

巨山清瘦如碧鶴五月向人猶著綿司風令史卷簾報
見客多時病欲眠

程巨山

五石烟螺一日空金缸銜壁照西東問君生就豪華性
可記清河上谷翁

楊時塘

年少通書有賈嘉蕭齋春在紫藤花雅遊怎怪偕君好
公瑾同年一月差

徐夢雨

小倉山房 卷三
蔣君年少人中龍目光不定心豪雄于將莫邪虞缺折
我有數言贈李邕

蔣靜存

新婚初卸鳳皇車打漿來聞軋軋鴉天際真人好風調
北牕跛脚鼓琵琶

陸賓之

龍性由來馴孰能孤桐百尺氣稜嶒但教菌萐芙蓉臉
瘦殺秋風張季鷹

胡稚威

長卿蘊藉偏憐我款款更殘話獨長今夜月明孤客燕
踏燈何處訪徐娘

陳長卿有客燕圖

南青愛人如老嫗初入翰林殊栩栩平時著述千萬言

臨別贈我無一語

魏南青

年年乞食向歌姬鴻乙無端又改之兩中副車才不偶

一痕眉畫十年遲

姚念慈新字改之。上吳少司馬書云：十年老女猶畫蛾眉。

蔣四平明入王府衣冠時樣頗楚楚，出城下馬宿我家。

秋樹根頭更論古。

蔣用庵

三十新婚老阮脩，糟邱不築築菀裘。四絃高唱梅花落，

惹得離人萬種愁。

申笏山送行四章，冠一時。

吾三意氣頗如雷，姓名久被羣公推。昨日別我心不樂，

拇戰忽輸三百杯。

楊吾三

劉秩堪當曳落河，簪花新到鳳皇坡。昭君出後班姬入，

從古佳人避面多。

楊二思

侍兒未必解靈光，不可何須說李陽。遮莫敬通風力好，

龍欄觸手動彈章。

儲梅夫

興霸戲爲雙戟舞奉先夸中一枝义半生出入醉何處

薛下姦人六萬家

曹麟書

白虎尊中酒未消鳳皇聲本重丹霄好栽屈軼堯庭草

莫種園中合口椒

沈椒園

歲星遊戲住人間時爲閒情惱阿環不掃廳塵先畫字

偶支手板亦看山

張南華先輩

儒林真似丈人稀誓不成名娶不歸五十四年蕭寺老

終身一曲雉朝飛

遺雲坪七十未婚

身領蓬萊第二清朱琴絃斷月三更鰥魚自把金箱管

繫鑰時聞環珮聲

錢嶼沙

朝雲早備密雲龍隸事堪聽百六公千幅魚箋書欲滿

一聲銅鉢韻初終

周蘭坡先輩

今之劉三唐李賀同作少年慚我大蓬萊
夜夜海水翻願公暫作蛟龍卧

劉映榆

光庭之口麟之手安成之食臨汝飾誰人
得似張公子桃葉桃根自迎接

張東園

元本將詩當至親苦吟終日過行雲上公門
第笙歌滿可有閒人一聽君

周元本館訥公家

小倉山房詩集卷四

甲子乙丑

錢唐袁枚子才

就聘南關舟中作

海氣衝人愁未已江風吹我出愁城
滿船秋色渾無賴一路衣冠漸有情
遠岸潮平帆影直中天月墮酒旗明
短篷穩卧潼陽吏不向前途道姓名

到江口

金川門外駐蘭橈枕上誰家紫竹簫
兩度秋光來白下一生風味愛南朝
銀砂落日無王氣血戰餘聲有怒潮
滿眼琳宮好雲物蘆花剪雪正千條

紅牆蕭寺小門開片片斜陽落葉哀
海色夜涼雙鴈語

江心人靜一燈來風搖逆水青天動鐘打空山白浪迴
擬挾金尊吹玉笛高歌先上鳳皇臺

入關

仙樂嘹嘈沸綺筵滿街宮錦曉風天紅囊莫訝簾官少
道挂朝衣已六年
敢云眼似光明燭且喜心如不動帆帶入關中示同伴
當時落第淚痕衫

分校

沉沉棘院華堂開戰酣萬蟻鱗甲來主司我冠南面坐
簾官梯几東西排一十八人眼如漆一十八枝筆植鐵
硃字迷離照眼紅疑是諸生心上血披砂撿金金未收

暗中默禱心中求榜後但聞舉子怨此時誰識簾官愁
百鳥叢中一鷲見再拜親標某官薦朱衣可得點頭無
偷眼還看主司面孫山以外雖漫漫我誓加墨心安
紅勒欲下不輕下訓誨還當子弟看可惜一卷文超羣
五經紛綸井大春主司播手道額滿怪我推輓何殷勤
明知額滿例難破額內似渠有幾個獄底生將寶劍埋
掌中空見明珠過吁嗟乎科名有命文無功君不見李
方叔蘇文忠

與商寶意司馬宿王禹言太史齋中臨別奉贈

鸞飄鳳泊一千年流水行雲意洒然但使人間喚生佛
勝教天上作頑仙

烏衣巷裏解鳴珂
月下彈箏燈下歌
半榻梅花同日別
一官偏惱兩人多

新將錦石擣流黃
應索瑯琊繡襦襦
寄語青溪張好好
好風果屬往來商

公納秦淮張姬故調之

千行水調入秋雲
一卷文傳記錦褰
欲使青蓮低首拜
南朝只有謝將軍

三更風卷紫羅紗
春雨盈盈損蠟花
爲我當年惆悵事
自敲檀板撥琵琶

蓬海升沉話寂寥
江州司馬莫蕭騷
詩人都到青雲頂
誰領湖山萬六朝

殘雪

捲解殘雪望無窮世事方知色卽空萬片落花何處去
數聲流水一年終陰陽爐炭思元化冷淡生涯怕熱烘
逐漸闌珊誰護惜爲渠容易惱春風

一夕天風洗素粧六宮粉黛減容光早教醞釀成霖雨
敢爲飄流怨太陽湘水自沉青玉案山人還戀白衣裳
遶城鶴去無多日收拾蓬萊萬斛霜

北斗離離柄指春散花天女尚留痕心虛解脫汙泥累
身隱能全日月恩江上一簑誰把釣酒家雙屐自關門
塞驢此際詩情好半在山橋半水村

一別青天路已遙江山容得幾瓊瑤敢橫要路招人掃
且學輕冰著雨消去有後先分冷暖住無高下任飄搖

輸他柳絮顛狂甚轉得因風上九霄

風前無計挽神仙目極齊州九點烟涓滴暗添春水色
數峯留到夕陽天人來銀海初分界鳥踏龍沙漸有邊
惆悵玉鉤斜畔路年年羽化泣嬋娟

連日開牕白渺漫今朝紅出小闌干風前粉蝶分飛易
笛裏梅花不落難素女歸時春半夜玉山頽處日三竿
幽人擬踏屣冰去六月我料頂上看

相看心跡喜雙清家本蓬萊舊玉京已逐樓臺生厚薄
尚嫌黑白太分明境漿早識來時路膏雨常留去後名
記得水精簾下事梁園回首不勝情

哭季父健碧公

瀟湘秋色粵江烟拜別西堂夜雨天遠隔風沙家萬里
亂傳生死信三年蓮花幕底黃金盡桂樹山頭白骨懸
慟哭寒雲虛設位東山小謝倍悽然

送三妹于歸如臯

好扶花影上雕輪珍重高堂最愛身一日尊前分手足
十年門內失詩人同騎竹馬憐卿小畧贈荆釵笑我貧
惆悵官羈難遠送大雷書寄莫嫌頻

哭蔣靜存編修

文場誰復拔螯弧楚些空招宋大夫九陌花開同立馬
五更春好忽啼烏琴書零落空堂冷兒女參差小鳳孤
分手河梁才幾日音塵渺渺隔黃壚

春蘭秋菊自英華走馬千年白日斜
死解元言王輔嗣生能經世賈長沙
塵封玉署如椽筆霜冷官家賜葛紗
和上消夏詩賜葛二正多少詞臣盡回首
一時愁對上林花
明知路十原難老爭奈山松悵失羣
一榜少年今剩我九原才子又添君
荀郎阿鵲春誰嫁稚子南州路隔雲
遙寄清商三調曲聲高要使彼蒼聞

卽景

牙籤雜與簿書排欲索新詩每恨閑
搖蕩風簾花萬點一庭梅雨帶秋來

李昌谷有馬詩三十一首余倣之作劍詩

不試千秋寶高懸萬物驚差隨健兒去
斬刺立功名

太乙下龍堂閭門匹練光六州爭聚鐵難鑄雪肝腸
斷柄蝕胡沙長梢鋸鐵又陰晴頭欲現新舊血交花
白走一條烟三更風滿天生王頭不貴何必煉神仙
爾欲吳王我魚鰲殺氣多誰知劉節度飛電繞身過
棄擲莓苔裏光能射斗牛當作犁耙用神鋒讓曲鉤
徒報嚴仲仇不濟荆卿事笑指雷公爐純鉤識羞未
似雪消塵念如松耐歲寒摩挲日三五當作美人看
耳熱悲歌處平生最憶君橫磨十萬口交付與朱雲
永斷不平事甘心死匣中世間諸將老若箇識雌雄
小隊逐黃塵琅邪鐵襴襜君王懷老物臣是舊干將
爪髮焚淋漓猿公難嘯啼但求名器就誰解惜夫妻

玉勒騎飛馬金刀挂在身坐來無一語知是報仇人
海角飛殘月空堂作亂波南山北山處被髮有人磨
事急方求子洪爐不煉銅夫人小七首誤認作青龍
半夜孤燈坐空梁一頭墮笑問姜伯約膽可如升大
聖鐵舍灰古焦銅帶血新鑄時頻禱祝切莫賜忠臣
氣走蛟龍竊心爭日月光文章奇絕處人道太鋒鏌
材大難爲售高鳴笑爾勞中原千萬戶个个用鉛刀
傾城求一見想見古時尊縱使無情鐵能教不割恩
虜平歸塞早雪大上天遲棄擲風塵裏猶能斬亂絲
關原秋風起藏身片語無方知至神物舒卷任風胡

放歌三首

萬物化灰泥灰泥畢竟有灰泥日積地日高青天摩掌
應在手歲華去我如飛烟我思其誤在從前盤古力爭
不肯老至今美色人人好

十二萬年天壽短羲和持鞭不肯緩開闢以前安可知
我恨不得親見之願持竹一竿下搜黃頤後上搜青雲
端地盡天窮搜不止此竹削成天外史

子有衣裳須曳婁子有車馬須馳驅英雄百事百不理
朝朝暮暮歌山樞君不見軒轅黃帝上天時當時萬物
爭相隨黃帝哀號不開口留下人間一杯酒

汴陽移知江寧別吏民於黃河岸上

五步一杯酒十步一折柳使君乘車行吏民攀車走父

老泣且言使君無他奇虎不渡河蝗亦飛只有小大獄
十日無留遺胥吏泣且言使君無他好不察淵魚矜苛
廉不容抱贖施姦巧每日放衙歸無事關門早我聞此
言感知已兩年自負如斯耳斜陽策馬一回頭哭聲漸
遠河聲流

交印

前印欣已交後印喜未至分明宰官身而無宰官事人
生此最樂一刻千金貴賓朋問何濶張飲置歌吹我亦
愛游閒往來屏車騎朝尋鍾阜州暮抬橫塘翠除道晒
要章微行訪穉季青衫有時濕赤棒無人避擁馬暫脫
銜籠禽偶展翅汲汲常顧景匆匆無所畏小大莫從公

老子妨人戲

上元許令同官甚歡薦刺亳州而部選建寧司馬
例不能留情不能已故有是詩

十里秦淮楊柳灘
驪歌新唱小長干
三遷好事聞方喜
五月同寅別轉難
江上秋聲催鼓角
車邊旗物漸班蘭
遙知一片西湖月
又被詩人馬上看

初聞海外借班超
更說參軍薦鮑昭
分野未容星兩照
書銜應綰綬雙條
一州斗大朝聽鼓
五嶺盤空暮射鵰
此去鰲江定回首
子規聲裏別南朝

官稱司馬便多情
落日青山載酒行
嶺樹秋高雙旆遠
妻孥累少一帆輕
風琴野鶴君行李
錦字花箋我姓名

安得將心寄楊柳依依送到越王城

書戒石

宋高宗戒石四語太簡衍爲六章

戒爾縣尹爾亦生民服官而仕於民獨親朝食其地暮
稅其人曰由我生死由我富貧垂髫戴白爛其盈門靜
言思之如之何勿仁

唐虞旣遠象刑不作周官旣亡府胥無祿承符手力耽
耽虎目官能用吏吏如手足吏能用官官爲荼毒制之
有道豈曰管朴

其道維何太阿在已衡定物呈水平浪止不察淵魚但
除蠶尾初或戢之繼而自喜彼君子兮惠我隣里吾儕
小人殺人有禮

莫高爾門門閉則昏莫多爾符符出吏呼莫厭訟堂吾
將以爲房莫畏絲棼非德莫如勤不自以爲聰終無大
聾常自覺其廉滿面沾沾

立政勿異求名勿專虎不渡河古稱偶然兩稅無差撫
字賴焉五聽得宜教化在焉八頌扇和六筦崇厚仁在
義先理居情後

何以寫心單父鳴琴無以爲家河陽種花莞爾而笑前
有桑麻民旣信我無所不可我旣愛民民皆子孫淮陽
召耶官爵大矣桐鄉祀耶死遺愛矣

于爲于

元德秀歌于東都其詞不傳余爲補之

五鳳樓前日重輪兮惟天之近使我民與天言兮

一解相

彼嘉禾陳陳于倉宛彼柔絲龍袞纁裳農夫之耒蠶女

之筐何圖今日得見君王二東都沃地石田則有東家

豐年西隣或不君所到今臣所告今未可以爲概今臣

親自炊薪而誰煬其竈今三供張奢儉可以觀臣風尚

貞淫可以觀民勿徵壤奠而交閭柏見勿飲瑤池而卷

阿賦詩九乾之和萬邦之歌四宏農得寶石緣空背大

笠侈袖高唱娉婷臣乃病夫以心爲聲未移二鬴願慶

三登敬命樂工聯袂而廣上達四聰天聽和平五解

府中趨

巍巍天門開朝賀有常期沉沉長官府晨趨無已時束

帶候雞唱腰笏事奔馳衆人已宛在後至顏忤昵坐守

鼓角鳴音響止復吹名紙如梵夾作字蒼蠅微起居蠅
萬福願得尊者知尊者方欠申起問夜何其司關有酒
氣傳入猶狐疑息氣坐寒麻閉口忍祖飢音旨忽然下
大旱得雲霓材官廳以肱烏散而雲歸出門看白日頽
陽已懸微明日戒更早後日將毋遲國事耶民瘼耶將
軍者約耶

出東門

出東門有客從西來客不西來東門之車奔如雷待來
而不來客怒作色相疑猜解一芻三十車禾三十車隸人
淫則械衛與俱罔或不供汝則罪有餘解二得竿求藟捉
雞索鳧匪壺鳧之爲取取汝所無解三門前水渾門內水

清清以爲名其貌獐獐大官昂首坐小吏圈豚行

解四天

陰雨淒淒長跪大道左學鴨自呼名兩頰紅似火指向

蔡興宗此中正是我

解五

欲卧強之食欲食強之飢非所

喜而笑非所怒而笞腰膝不自持而況法令爲

解六

吞爾

不搖牙咀爾不擊齒乃公喉有聲萬口一齊止愛之則

生逆之死長跪啓乃公識一丁字何如挽爾石弓

七解

俗吏篇

勸食升米把酒止古來作吏俗而已矧我作吏赤緊全
請言其俗一騷然三年沒階趨下風九轉丹成拜跪工
金雞初鳴出門去夕陽來下牛羊同有時供具應四方
縫人染人兼酒漿有時迎謁跪道左掀公于淖猶袞裳

祝融不許子同夢新宮半夜鬱攸光捕蝗那管汝腸死
劉虞露冕橫秋陽衣服學爲成慶晝參軍來從屋漏旁
周官三百六十職佛經萬劫千災殃頃刻教汝一身當
大府文深日怒嗔小吏文巧舞殺人鼓吹一部肉雷響
鐵鎖千行環珮喧高坐腰輿織路途居家日日別妻孥
猪肝久食客無聊重疊書來請絕交有時切切私自語
明日出門無所去里保催公速下鄉死人橫陳三兩處

火災行

七日融風吹不止鳥聲嚙嚙呼滿市縣官此身如沙禽
中夜時時驚欲起出門四顧心慘裂天地爛如黃金色
文武一色皆戎粧奔前滅火如滅賊金陵太守氣尤雄

獨領一隊當先鋒出沒黑烟人不見但聞促水聲朦朧
水龍百道橫空射倒卷黃河向天瀉蚩尤妖霧青山崩
黑連烝土白石化須臾半空飛霹靂赭瓦頽垣如擲戟
不聞知命避巖墻但見橫屍委道旁春風雨滌新焦土
夜月霜淒古戰場我聞爲政無近名水懦次烈調其平
行火所燉表火道書其焚室寬其征此外姝姝皆小惠
禁民夜作徒紛更從來心如焚不必額盡爛果然曲突
有周防何至衣冠坐塗炭白日青天莫放懷朽株枯木
能爲難

捕蝗歌

蝻氏燒牡鞠本屬衰周文螟螣付炎火諸氓自祈神豈

有爲后稷一手一足勤劉蘭不捕蝗其歲乃大穰劉澄
剪蟲穢民乃呼災殃如何姚元之作俑爲官常當時猶
可今日殺我蟲子如烟符急如火監司節鎮浩呼洵文
武攘臂趨如風頃刻赤地三十里小民畏官勝畏蟲東
之丁男調向西丁男不足佐以妻古從三軍六十免今
搏羽孽全家啼舊麥未歛穡新秧栽未齊舍已而芸人
墨翟猶嗟咨民若此官何如但見酒漿厨傳紛追呼東
阿大夫通苞苴不然何以全名譽捕盜不善波及隣捕
蟲不善殃全村爲兒理髮加以髡心豈不愛終非恩捕
蝗問蝗果滅否蝗言不雨捕更有君不見蕭曹孽孽得
民和柳州大書郭榮駝督郵來往蝗更多香山早有捕

蝗歌

南漕歎

與米漕不同故加南字別之

握粟鋤粟十月征大車小車軋軋鳴雲連萬甬兩遞運
李斯如鼠倉中行倉氏庾氏聲嘈嘈搜粟都尉意氣豪
利之所在天亦忌大官防縣如防妖牽驢磨麥曜其目
憎鳥竊脂繫其足黃紙朝來刮升斗米符夕下封官斛
待暴日擊重門柝不管蠶黃與魯卓水流汾澮其道壅
萬弊維出仍無窮或需精鑿鹽揚播兩三鬴作千回春
或借一閤分先後富者收早貧磨礱或書官符訛多寡
塗鴉難辨斗檢封僦人別奏來重重伍符尺籍生蟻蠊
共飲倉中一勺水頃刻白粲成青銅可憐鄉民半樸魯

小人容易爲沙蟲明徵法錢人所見暗教折帛何所終
物不揣本齊其末事方在北求諸東我欲大聲呼大吏
胡不早辨賢與忠古人信人不信法將欲治彼先治躬
捐除文網道以德如水沃雪州偃風持其大體去已甚
官和民樂聲雍雍吁嗟乎君不見人肝代米古所記察
察爲明安得劉宏十女璫

優孟諷

我優也言無郵貧吏而可爲兮孰知其由廉吏而不可
爲兮子母人尤子不見損下益上土可成邱勿畜勿流
水難爲溝物猶如此人寧獨不重爲告曰子惠恤我我
其收乎誰之不如而勿求乎嗚呼叔孫無待後人子其

休乎

甲子過金陵汪生濬川受業學詩今年生來索題

其扇

朔風暮黑吏歸縣殘燈叩閣門生見見時袍袖盡詩箋
長吟不覺三千遍自言踏雪願來遊學錦燒蘭足解愁
往歲江淹遊白下今朝羊曼尹揚州揚州歌舞舊繁華
月榭風臺處處花團扇願公書數字管教新譜續琵琶
感君語爲君歌歌詞淒惋通銀河三月風花春管領一
把玉骨官消黯當年何復道秦淮竹笛聲聲好美
人清夢冷如水詞客零星稀似艸枯樹江南庾信哀桃
花潭水汪倫老取我端琴鼓再行酒酣月落江天曉

侯夷門鄧江寧貳尹事行且就去不能無詩

石城把手證前因一障乘邊又怨春才子官卑原寫意
酒徒緣少更傷神文章各領江山氣鸞鳳同爲飄泊身
此去旗亭休緩緩天留清雪等詩人

勸農歌

白門城外好秧田梅雨初晴六月天識字農夫勸農去
竹枝歌當水衡錢

勸農莫放鋤柄空勸農莫嗤積穀翁東家稻熟早芟艸
西家豆稀懶打蟲

男女行行莫亂行邨南邨北幾莊荒今年添入新絲價
男樹瓜華女種桑

布穀聲聲鳥語譁一池鼓吹有鳴蛙同來騶騎閒無事
齊放紅旗拾豆花

神雀休銜稻一枝深秋九月有佳期黃雲滿地倉箱響
是我來開笑口時

阡陌高低曲折通車聲回轉落花風倒持竹笛不歸去
看殺斜陽小牧童

峯凝暮靄水拖藍完得官租夢亦甘世世青山綠雲裏
好風好雨住江南

吳李方伯

公諱學裕事見文集墓志

江城吹滿紙錢烟父老銜哀罷管絃誰料五旬官二品
別來三日事千年平生羽扇蛟龍匪故國靈旗雨雪天

家在太行山色裏幾時酌酒墓門前
不禁雙眼淚滂沱回首龍門喚奈何
鮑叔已亡知我少于公雖去活人多
殘燈娓娓生前夢宦海悠悠世上波
彈指滄桑三萬日衣冠琴鶴盡山河

荅曾南邨論詩

提筆先須問性情風裁休劃宋元明
八音分列宮商韻一代都存雅頌聲
秋月氣清千處好化工才大百花生
憐予官退詩偏進雖不能軍好論兵

館娃

館娃遺趾訪春行一霎飛花兩眼驚
豈有金仙能抗手果然我輩竟虛生
都梁香近名誰識巫峽雲過影尚清

獨宿蕭郎作驛客晚烟疎雨闌闌城

願持

願持一語告同官莫笑蒲鞭道太寬辦事人多解事少
愛民心易治民難

春日初長散衙甚早喜而作詩

槐花春暖滿衙青不著烏靴上訟庭牒少卷無三寸厚
心虛判許萬人聽紛紛雀角風將息漸漸蒲鞭響亦停
笑問功曹諸事畢手籠詩艸下西廳